

海
道

經
附錄

撰人未詳

中
華
書
局

叢書集成初編

潞水客談（及其他五種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

海道經

前元至元二十年克取江南。至元二十一年起運海糧。擢用朱清、張瑄、萬戶之職。押運糧船三萬五千石。賜立海道萬戶府。千戶所、百戶所。領虎符金牌、素銀牌面。各領品職。成造船隻。大者年過一千石。小者三百石。自劉家港開船。出楊子江。盤轉黃連沙嘴。望西北沿沙行使。潮長行船。潮落拋泊。約半月或一月餘。始至淮口。經過膠州、海門、浮山、牢山、福島等處。沿山一路。東至延真島。望北行使。轉過成山。望西行使。到九臯島、劉公島、諸高山、劉家窪、登州沙門島。開放萊州大洋。收進界河。兩箇月餘。纔抵直沽。委實水路艱難。深爲繁重。至元二十六年。增益糧米八十萬石。是歲正月。裝糧在船。二月開洋。四月到於直沽。交卸五月。回還。復運夏糧。至八月。又回本港。一歲兩運。是時船隻鮮少。人民恐懼。至元二十七年。朱萬戶躬請長興李福四朝奉。押運指引。自楊子江開洋。落潮往東北行使。出離長灘。至白水綠水。徑至黑水大洋。望北尋望延真島。使轉成山。正西行。便收入沙門島。開放萊州大洋。收進界河。遠不過一月之程。順不過半月之限。俱至直沽。以致漕運利便。是歲加封朱萬戶爲浙江省參政。張萬戶爲浙江鹽運司都運之職。每歲專從此道。駕使船糧赴北京。將及二十餘年。至大德七年。當蒙官司招顧兩浙上戶。造船運糧。腳價一十一兩五錢。分撥春夏二運。延祐以來。合造海船。大者八九千石。小者二千餘石。是以海道富盛。歲運三百六十萬石。供給京師。甚爲便易。迤南番海船皆從此道貢獻。倣效其路矣。自南至天津衛。各有天妃廟。萬

戶馬合法忽魯循萬戶八十嘉議奏封福惠天妃聖號勅賜太平今我皇明匡服四夷藩鎮奉朔大遼歲給餽餉迨遼海之平欽封昭孝德正靈應孚濟聖妃娘娘聖號留芳千萬萬年矣

瑞開楊子江者實海運之患也必當擇取小訊大訊鯨開洋鮮有危險如大訊行船倘值東風勢急惡水急緊船踪稠密一船退下紐二連三繳礙交纏頭梢相擊風雨相攻人無措手直至沙灘必有損壞宜深慎之海道水程至元一十七年始

准備緩急

如遇順風使帆之時勢頗猛便減帆慢投奔港汊稍泊不得貪程恐風勢不止天色昏暮迤邐前行不知宿泊多有疎失不可不知如遇順風正使帆其間忽轉打頭風便當使回風尋港汊爲穩勿得當江抵捱指望風息恐致雨細如緩急猝暴風奔港灘不及之時急搶上風多拋鐵锚牢繫繩纜如重載船則頻頻點看水倉怕有客水侵入隨處割綫如小船則看風色如何別尋泊處如春夏間於港汊內泊船須要多用壯繩深打樁檣不以早晚恐有山水廢洪衝突之患

海道

一自南京開洋出龍江關靠東邊行使到觀音山中洪一路好行至礬山北有淺灘中洪可行望方山東邊中洪一路淺灘直過斬龍廟止至鮎魚廠東路至龍潭驛一路水緊北邊中洪可過徑到儀真中洪北到金山寺西首十餘里水緊不可拋猫寺北中洪都好行到礁山門仔細觀水行西南嘴有淺灘喚做姜

婆沙西北下截水。中洪好行。南有淺灘。過山。中洪一路好行。轉往南有水。是洪。至丹徒縣南。有隔壁沙灘。中洪行使。到五聖廟。中洪好行。圍山西南嘴。一路淺灘。中洪到孟子河西南好行。東北中間。淺灘沙嘴。占多是洪。有蘆青嘴。東南衝出。有三四里。轉過南。中洪截水行使。便是黃山。東北淺灘。衝出大江。中洪行使。望西邊緊水。洪過。東有馬馱沙。西南嘴衝出沙帶一條。東南也有沙帶。一路中洪可行。南有江陰縣地方。拋船。江陰縣西邊是夏港。過江陰縣。中洪到巫子門。淺塞打外。洪過。喚做寶船洪。望見西北蝦蟇山。可轉中洪。到蝦蟇山。西有淺。北好行。南是谷瀆港。中洪有淺。占南有洪。照黃泗浦。占南岸行使。到奚浦港。南有淺灘。北邊是洪。到福山港。中洪到白茆港。北有狼山。望東北截水。中有淺。北有洪。徑到瞭角嘴南路。於劉家港拋泊。

一劉家港開船。出楊子江。靠南岸徑使。候潮長。□西岸行使。好風半日到白茆港。在江待之。潮平。帶蓬櫓。搖。遇撐脚沙尖。轉過崇明沙嘴。挑不了水。望正東行使。無礙。南有未入沙。婆婆沙。三脚沙。可須避之。楊子江內。北有雙塔。開南有范家港沙灘。東南有張家沙灘。江口有陸家沙脚。可避。口外有暗沙一帶。連至崇明洲沙。亦可避之。江北有瞭角嘴。瞭角嘴開洋。或正西西南西北風往。潮落往正東。或帶北。一字行使。截水約半日。可過長灘。便是白水洋。望東北行使。見官綠水。一日便見黑綠水。循黑綠水望正北行使。好風。兩日一夜到黑水洋。好風。一日一夜。或兩日夜。便見北洋綠水。好風。一日一夜。依針正北望。便是顯神山。好風半日。便見成山。自轉瞭角嘴。未過長灘。依針正北行使。早靠桃花班水邊。北有長灘沙。鬻沙。半洋沙。

陰沙、冥沙，切不可避之。如在黑水洋內，正北帶東一字行使，料量風帆日期，不見成山，見黑水多，必是低了。可見升羅嶼海中島，西邊有不等磯，如筆架山樣，即便復回，望北帶西一字行使，好風一日一夜，便見成山。若過黑水洋，見北洋官綠水，色或隴，必見延真島，望西北見箇山尖，便是九峯山，向北一帶連去，有赤山、牢山二處，皆有島嶼，可以拋泊。若牢山北望，有北茶山白蓬頭石礁，一路橫開百餘里，激浪如雲，即便開使，或復回望東北行使，北有馬鞍山、竹山島，南可入拋泊，北是旱門，亦有漫灘也。可拋泊，但東南風大，不可拋繫，北向便是成山，如在北洋官綠水內，好風一日一夜，正北望見山，便是顯神山。若抹西一字多，必是高了，但見赤山、九峯山、西南洋，有北茶山白蓬頭，即便復回，望東北行使，好風半日，便見成山。一轉過成山，望正西行使，前有鷄鳴嶼，中有浮礁一片，可以避之，往西有夫人嶼，不可在內使船，收到劉島，西小門，也可進廟前拋泊，劉島開洋，正西行使，好風一日到芝界島，東北有門可入，西北離有一百餘里，有黑礁一片，三四畝大，避之，收到八角島東南，有門可入，自芝界島有好風，半日使過，抹直曰有金嘴，石衝出洋內，潮落可見避之，至新河海口，到沙門島，東南有淺，可挨深行使，南門可入，東邊有門，有暗礁二塊，日間可行，西北有門，可入廟前拋泊，沙門島開洋，望北，徑過砣磯山、欽島、沒島、南半洋、北半洋，到鐵山洋，往東收旅順口，東收黃洋川，西南嘴有礁石，一路山東進口，過黃洋川，東收平島口，外有五箇饅頭山，進口內拋泊，南邊一路老岸，外洋有一孤望城兒嶺，盡頭東望，有三山，正中進入內，有南北沙帶一條，相連，陡岸深水，可以拋泊，三山西有南山，收進青泥窪，西有松樹島，北有孤山，東北望看鳳凰山，便是和尚島。


烽墩下。占西有礁石。西北有倉廟。外有淺灘亂礁。避之。三山北看青島。一路山望海峽。收黃島使島。若鐵山往西。收羊頭窪雙島。有半邊山。艾子口。望塔山。看連雲島。東北看蓋州。一路山看鹽場。西看寶塔臺。使是梁房口。進入三叉河。收牛莊馬頭拋泊。直沽開洋。望東挑南一字行使。一日一夜見半邊山。使有沙門島。若挑南字多了。必見萊州三山。便挑東北行使。半日便見沙門島。若挑北字多。必見砣磯山。往南收登州衛。北沙門島開船。東南山嘴。有淺。可挨中望東行使。好風一日一夜。到劉島。收入宮前。劉島開洋。望東挑北一字轉成山嘴。望正南行使。好風一日一夜見綠水。好風一日一夜見黑水。好風一日一夜便見。南洋綠水。好風兩日一夜見白水。望南挑西一字行使。好風一日。點竿累截二丈。漸漸減作一丈五尺。水下有亂泥。約一二尺深。便是長灘。漸漸挑西。收洪。如水竿截著硬沙。不是長沙地面。即便復回。望大東行使。見綠水。望東行使。到白水。尋長沙。收三沙洪。如收不著洪。即望東南行使。日間看水黃綠色。浪花如茶末。水夜間看浪濺。如大星多。即是茶山。若船稍坐茶山往西南。一字好風半潮。北見崇明沙。南見清浦墩。沿岸劉家港。如在黑水洋。正南挑西字多。必是高了。前有陰沙。半洋沙。鬻沙。攔頭沙。即是瞭角嘴。北便復回。往正東行使。看水色風汛。收三沙洪。如風不便。收不得洪。即挑東南行使。看水色。收寶山。如在黑水大洋。挑東多。必是低了。可見隔界大山一座。便望正西挑南一字行使。好風一日一夜。便見茶山。如不見隔界山。又不見茶山。見黑綠水多。便望正西行使。必見石龍山。孤礁山。復回望西南行使。見茶山。收洪後。住盡。


回帆程限。


一遼河口開洋。順風一日一夜。徑至鐵山南面。山前帶東鐵二字。望南行使。徑至成山。收入南洋。望正南行使。三日三夜。徑至桃花班水邊。望東行使。見白水帶西二字。勤戮點竿。尋投長灘一丈八尺。漸漸減至一丈五尺。望西行。戮楊子江洪。如尋不見洪。內望下使。必見茶山。至茶山後。水弱。船稍南面。坐茶山望西行使。半潮便見崇明洲。如若順風。一朝送至劉家港口內拋泊。若船去回。須記桃花班水。北有半洋沙。鬱沙。陰沙。在洋內須要隄防。凡空回還。不可料程。早早可使船。小料亦如此。卽防無礙。

一福建布政司水波門長樂港船廠門船。水程地頭。預要水手船隻護送。沿港海島。其神仙壁碧水屋山島去處。古有賊船。以備良使船開洋。送至三岔河口。如過一日二日至古山寺。登山送香燭。防東南颶作潮大。過日。平息。送至望琪港。娘娘廟前拋泊。過日。至長樂港口。過一日。至民遠鎮巡檢司。過一日。至總埠頭港。過一日。至福州左等衛。告要水手船送。過一日。至五虎廟。燒總福。過一日。至五虎門開洋。望東北行使。正東便是裏衣山。正北便是定海千戶所。東南便是福清縣鹽場。過一日。至王家峪海島拋泊。過一日。至北高山巡檢司。西洋山口好拋泊。過一日。至福寧縣。晚收風火。娘娘廟前拋泊。過一日。至滿門千戶。

所防有天霧。晚收艤艚巡檢司海口。過一日。至金鄉衛。告要水手船隻引送。過一日。至松門衛。過一日。至温州平陽縣平陽巡檢司海口。至鳳凰山、銅盆山。防東南颶作。晚收中界山拋泊。過一日。至盤石衛。但見天霧在中界山。正北島拋泊。過日。南風行使。至晚。收北門千戶所。要尋捕魚小列船送。過日。南風往北行使。過利洋雞籠山。等潮可行。至松門港松門衛東港拋泊。見捕魚船十五六隻。便是港口。過一日。等潮開船。至台州海門衛東洋山。晚收拋泊。過日。離温州。望北行使。晚到桃青千戶所聖門口拋泊。過日。開洋。至大佛頭山、屏風山。至建跳千戶所長亭巡檢司。要水手魚船。過日至羅漢堂山。到石浦千戶所東門拋泊。要水手送。過日至定海衛。放回金鄉衛。盤石衛。要梢水手。離石浦港後門出。過銅瓦山、後沙洋、半邊山、黨公爵溪、千戶所。望北行使。至青門山亂石礁洋。至前倉千戶所。雙臍港騎頭巡檢司前拋過。至大嵩千戶所。過家門山、招寶山。進定海港。定海衛南門拋。要稍水船送。燒總福娘廟祭奠。開洋。望北行使。至遮口山黃公洋。至烈港千戶所。海甯衛東三姑山。望北行使。若至茶山低了。至金山衛東海灘。松江府上海縣。海套水淺。望東南行使。過晚拋船等潮。過羊山、大七山、小七山。過太倉寶塔。望東北行使。兩日兩夜。見黑水洋。南風使船。一日見綠水。瞭見海內懸山一座。便是延真島。至靖海衛口淺灘。可預避之。







我朝太祖高皇帝建都金陵。四方運舟。率由大江。至洪武三十年。造船海運遼東。以供軍餉。成祖文皇帝肇建北京。江南糧船。一由江入海。出直沽口。白河。運至通州。一由江入淮。入黃河。至陽武縣。陸運至衛輝府。由衛河運至通州。永樂九年。以濟寧州同知潘叔正言。命工部尙書宋禮。都督周長等。發山東丁士十六萬五千。濬元會通河。自濟寧至臨清三百八十五里。漕舟始達於京通。及洪武年間。海船有一千料。有四百料。鑽風海船運糧。自開裏河。改四百料淺船一隻。故淺船因海船得名也。

占天門

朝看東南有黑雲。推起。東風勢急。午前必有雨。暮看西北有黑雲。半夜必有風雨。

占雲門

早起天頂無雲。	日出漸明。	暮看西邊無雲。	明日晴明。	遊絲天外飛。
久晴便可期。	清朝起海雲。	風雨霎時辰。	風靜鬱蒸熱。	雲雷必振烈。
東風雲過西。	雨下不移時。	東南卯沒雲。	雨下巳時辰。	雲起南山暗。
風雨辰時見。	日出卯遇雲。	無雨天必陰。	雲隨風雨疾。	風雨霎時息。
迎雲對風行。	風雨轉時辰。	日沒黑雲接。	風雨不可說。	雲布滿山低。
連宵雨亂飛。	雲從龍門起。	颶風連急雨。	西北黑雲生。	雷雨必聲訇。
雲勢若魚鱗。	來朝風不輕。	雲鈞午後排。	風色屬人情。	夏雲鈞內出。

秋風鈎背來。
惡雲半開閉。
風送雨傾盆。
清明便可許。

占風門

秋冬東南風。雨下不相逢。春夏西北風。下來雨不從。汛頭風不長。汛後風雨毒。
春夏東南風。不必問天公。秋冬西北風。天光晴可喜。長夏風勢輕。舟船最可行。
深秋風勢勁。風勢浪未靜。夏風連夜傾。不晝便晴明。雨過東風至。晚來越添巨。
風雨潮相攻。颶長難將避。初三須有颶。初四還可懼。望日二十三。颶風君可畏。
七八必有風。汛頭有風至。春雪百二旬。有風君須記。二月風雨多。出門還可記。
初八及十三。十九二十一。三月十八雨。四月十八至。風雨帶來潮。傍船人難避。
端午汛頭風。二九君還記。西北風大狂。回頭必亂地。
六月十二日彭祖忌。連天大忌。須忌。七月上旬爭秋風。穩泊河南莫開船。八月半旬潮候時。風雨隨潮不可移。

占日門

曉雲東不慮。夜雨愁過西。雲陣兩雙尖。大颶連天惡。
大颶隨風至。風息始靜然。亂雲天頂絞。風雨來不少。
雲過都暗了。紅雲日出生。勸君莫出行。紅雲日沒起。